

春  
在  
堂  
詩  
編

庚癸編

春在堂詩編三

德清俞樾

庚戌春偕王甫兄北上覆舟于青楊浦詩以紀事  
其地距丹陽七里

正月癸丑天平明舟曉發毘陵城蓋婆方便助吾力  
片帆高興浮雲平迅若巨魚縱大壑輕於廖廓翔鷗鷖  
誰料危機卽此伏性命幾與蛟龍爭上流一舟渺如葉  
淒然觸舟舟微橫猶謂鄒不與楚敵彼或可慮吾無驚  
庸知造物有深意危者使平易者傾風力注帆帆勢側  
柁不能制篙難撐天旋地轉此一瞬使我目眩心忪忪

猶幸相將登彼岸未至竟與鷗鳬盟遙見吾僕自水出  
豈惟濯足兼濯纓舟子不立泥淖更有童穉啼唧唧  
是時風雨又作惡拂免寒栗肌膚生嗟我遠遊竟何事  
所爲祇此區區名奔車覆舟古所慎何以此險吾俱攖  
憶昔車僨已至再乙巳入都時事今茲水戾尤非輕姑轉危語  
作壯語平生履險如夷庚分風劈流巨靈手沉舟破釜  
項籍兵寄語孟婆更助力便煩送我遊蓬瀛

穀城山中訪黃石公祠不得

帝遣五老遊人間一入藍田化爲玉始而趙璧後秦璽  
神物流傳無乃辱不如此老化爲石恥以譁囂悅人目

偶然游戲遇子房興漢亡秦一編足韜精歛采穀城山  
坐看秦璽出函谷我來驅車行山石走犖确神仙富貴  
雨茫茫徒向風塵細遺躅

漫河集遇風

彭彭魄魄春雷鳴渾渾沌沌秋潮生佗佗籍籍虎豹鬪  
淫淫裔裔蛟龍爭噫嘻風力猛至此而我驅車適與風  
相迎頗疑車輪昨夜生四角不然何以千搖萬兀車難  
行老僕凌兢疎欲倒疲驪局促噤不聲我亦閉帷學新  
婦猶來飄搖吹我雙冠纓回憶故園好風日綠楊樹樹  
聞啼鶯花氣濃薰袷衣暖芹泥軟藉芒鞋輕何爲一鞭

走燕趙塵沙眯目幾成盲不知風伯竟何怒自朝至暮  
猶未平亟投逆旅避其銳且喜雞黍盤中盛牛溲馬勃  
無不有禦寒聊盡酒一觥臥聽風聲獵獵猶未息僕夫  
又報東方明

趙北河渡十二連橋

南垂北際認蒼茫轉覺煙波信故鄉一水略清燕趙氣  
重關曾劃宋遼疆鳴頭浪小漁舟穩雁齒橋平客路長  
慙姚元龍渤海士也來車鐸走郎當

入都

僕僕長途敢憚勞風塵且喜換征袍龍髯已遠攀何及

駿骨無憑價不高方朔空囊難索米  
彌衡名刺易生毛  
狗屠市上如相問只有悲歌氣尙豪

謁謝文節祠

首陽薇蕨老高餓又先生蟲臂身  
原寄鴻毛死肯輕起  
兵虛翟義賣卜學君平南八何曾屈  
皇天眼自明  
瀛國歸朝日崖山致命秋空存三寸舌  
莫挽五更頭衰  
肯陳情上書曾卻聘修不因親尙在  
朱鳥久同游  
富貴畱承青風流趙子昂如何忘節義  
知否有倫常孝  
女碑三尺孤臣淚萬行出來名教重  
何敢忝冠裳  
冰霜無折挫香火有因緣  
碧血哀丘畔青燈古佛前  
在祠

憫忠墓碑仍署宋廟貌在畱燕我到摳衣謁靈風起肅  
然

乾隆重勒石鼓歌

我入成均觀石鼓石鼓彭亨手可撫從甲至癸數盈十  
自東徂西度各五摩挲再四歎神物有客爲言此非古  
此鼓勒自乾隆年

御碑突兀樹於廡我聞斯語尤屏營再拜而觀敢莽鹵  
唐時石鼓出陳倉殘缺幾將成柱礎裴章始自韋蘇州  
歌詠久傳韓吏部自元大德移燕都五百餘年畱此所  
小儒眼小小於豆疑秦疑魏騰其輔煌煌

聖論薄雲霄始爲千秋破聲聲自來神物有廢興或棄  
泥塗或天府隋世已毀無射鐘元代猶存劈正斧斯鼓  
得逢

聖人世舊者重新缺者補倘令坡老生我

朝欲讀何須手畫肚下士樛昧何所知肅觀其旁首爲  
俯惟

聖雖述亦兼作是器雖文亦寓武車攻吉日中興詩豈  
與尋常鐘鼎伍

禮闈揭曉口占四十字

三十初通籍微名敢怨遲所嗟登第日不逮過庭時燈



火仍兄其門閭慰母思長安春有信早報故園知

五月初三日

勤政殿引

見紀

恩一首

紅雲深處冕旒尊魚貫同趨

如意門紫禁分行森玉立

丹毫圓轉透珠痕

凡與館選者  
殊筆作圈

頭銜已借冰壺冷手澤

猶存鐵硯溫記得先臣遺語在

先祖  
南莊

府君年逾七十以明經終人或惜之輒怡然曰  
留此以貽子孫不更優乎見先君所譔家傳

十九日初入翰林院恭紀

北御河邊一水清曉隨鴈鷺集蓬瀛雲中丹詔

天中命殿上綈帷聖大成

是日官并謁

先聖

簪筆行將從太

史執經初學拜先生

大教習杜芝農相國福元修侍郎均于是日到館

非才濫

與清華選姚說仙曹已隸名

餓夫墓

餓夫姓彭氏名之燦字了凡明季蠡縣諸生也甲申

後棄諸生入輝縣蘇門山餓死孫登嘯臺下孫夏峰

先生題其墓曰餓夫墓庚戌歲有以其事實寄京師

索題詩者因賦此

元蟬潔而饑蛻螂穢而飽苟念蹙蹙猶謂餓死小何  
况劫火人間燒故宮離黍愁蕭條何地可挂箕山瓢何  
路可吹吳門簫侏儒侏儒亦孔醜爾曹飽死竟何有夷  
齊結隊下山中巢許爭先迎馬首眼前突兀惟有孫登  
之高臺嵇康死後無人來芒鞋竹杖偶此過劃然長嘯  
山爲開千仞山三尺土餓夫之骨香千古誰其題者孫  
徵君至今字字龍蛇舞我欲拜其墓惜無介山田我欲  
弔其魂惜無雍門絃但覺餓夫赫然在生氣凜凜千雲  
天嗚呼先生竟以一餓傳

八月二十二日請假南旋口占二律

金爵觚棱入望遙一鞭南下路迢迢秀才官冷奴無勢  
薄米車輕馬不驕清俸未能供菽水虛名那足傲漁樵  
止因生小江湖慣話到煙波興便饒

十年辛苦困名場轍線微才木不長

聖代優容無棄物羣公謬愛到文章敢期著述畱東觀  
聊取科名慰北堂慙媿相如仍四壁虛將詞賦擬長楊  
阜河阻雨易車而舟成四十字記之

車輪竟生角草草又登舟一夜雨淋腦連朝風打頭歸  
程剛共雁生計總輸鷗何日煙波裏全家泛宅游

松江

言三  
六  
狎鷗亭畔足清娛我亦扁舟向此租自昔文章推二陸  
于今財賦冠三吳空江有雪鱸魚冷同調無人鶴唳孤  
慙愧塵容徒碌碌未堪蹤跡寄菰蒲

黃浦

客路經黃浦推窗試一觀晴光浮水淡海氣逼天寒蓬  
背畱殘雪船唇鬪怒瀾江湖吾所樂止欠釣魚竿

內子偶作梅花詩云耐得人間雪與霜百花頭上  
爾先香清風自有神仙骨冷豔偏宜到玉堂余喜  
而和之

庭院無塵夜有霜風來不是等閒香寒宵同作羅浮夢

絕勝東坡在雪堂

三女堆

在海甯長安鎮覺皇寺後乃吳大帝弟三女墓

吳宮花草付荒煙幸此佳城築尙堅千古漫矜銅雀瓦  
一抔猶贖赤烏軀休嫌猪子難爲配且喜螭姬與竝傳  
畢竟江東兒女好劉家豚犬太堪憐

咸豐辛亥將至新安訪諸故人發錢唐江口占

浮生不定似飛蓬又挂之江一席風游子出門殊惘惘  
老僧托鉢柰空空青山太熟詩無料白日難消睡有功  
遙想新安諸舊侶幾回相望暮雲中

登新安郡城斗山亭作

七年來作新安客今日始至新安城城中有山山曰斗  
山上有閣以斗名我攜游屐偶登此盡收勝概歸簷楹  
兩城環環蟻垤小萬瓦簇簇蜂窠平一江如練走舄下  
渺若杯水堂坳傾翻怪作者此呼渡何爲波浪使我驚  
對面黃山隱復見似聞客至來相迎舉手敬向山靈謝  
青鞵布襪猶未成興闌游倦下山去流泉濯足風吹纓  
回頭仰望渺何處但有雲氣涵空明

大風雨過五里欄杆

山石犖确一綫寬其上壁立千峰巒俯臨百仞下無地  
行人未過心先寒此塗雖畏行難已爰築石欄長五里

五里欄杆以此名上達郡城下巖市

地名

籃輿昇我行山

坳舉頭不覺青天高隘道僅如蜀左擔危巖何減秦函

嶠天公有意與我戲風風雨雨破公至書生張目坐咤

叱老蛟欲出又驚避我聞武穆昔此過摩崖作字字壁

窠以石爲紙戈爲筆筆鋒橫掃青嵯峨

石上有山高水長四字相傳爲

岳忠武書至今英氣足千古山中不敢生豺虎我亦題詩巖

石間山靈莫笑書生懦

### 幽窈婦墓

徽州府城外有石碑曰嗚呼幽窈婦黃氏之墓訪之  
故老言人人殊余謂婦旣含冤而死但使過其墓者



皆知其爲幽冤之婦則婦之冤固已白矣必求其事  
轉恐失之辛亥夏日過此因紀以詩聞舊碑漫漶婦  
見夢里人重立之亦可異也

負恨竟終古憑誰問九原一碑當孔道萬口訟幽冤但  
博人無閒何勞石有言褒揚吾豈敢畱此待輶軒

### 石橋巖

何年天上虹化作山中石遂令兩山間危橋架百尺橋  
高百尺上接天其下不鑿天然圓中間一峰隱復見有  
如明鏡窺嬋娟石橋下有遠山隱然故亦名美女窺鏡老僧築屋住山腹  
一朶奇峰壓僧屋但訝嶙峋雁齒高不知宛轉蛾眉綠

我無仙人淺虛之長趨仰負飛鳥空中招不然振衣登  
絕頂請以石筆題其橋

桃天

石橋不可上客請游桃天躡衣走蒙茸雙屨幾爲穿無  
端勝境落吾眼四山森立如規圓仰視天形更奇絕有  
如一桃空巾縣上下凹凸無不肖造物如遣神工鐫剖  
而食之惜無巨靈手偷而獻者疑有度索仙因思此境  
深藏萬山腹山不自薦誰流傳古人探勝偶至此遂令  
千古饒客同流涎所惜佛舍久傾圯屋無片瓦空畱椽  
日光穿漏奪吾目未將勝概收其全山靈倘訂後游約

請待此桃一熟三千年

記石橋巖兩泉水

巖石微有罅云是龍涎泉泉水終年涸龍亦愛其涎要待四月分龍日而後龍口有水流濺濺又有四時泉石竅分爲四春夏與秋冬各以其時至我來初夏春已徂夏水正盛春水枯秋冬二竅涓滴無君不見昔日柳子厚造物疑無又疑有卽此兩泉亦難測豈有神物爲之守吾詩聊復紀所見若云格物吾則否

齊雲山紀游

夙慕齊雲名今日乃真到爰從漁亭橋扁舟發清曉沿

溪舫艤輕登嶺籃輿小舁行亂山中曲似羊腸繞仙家  
有福地精廬頗完好羽士出延客麥飯聊一飽是日飯  
地昔有邈邈翁於此成大道古洞埋骨香石室摹形槁  
蹤跡雖尙則名字竟莫考飯飽鼓游興惜乎雨淋臙擔  
簞游名山山靈幸無笑

雙石巋然立云是頭天門一石危欲墮浮雲爲之根迤

邐登其三

有署天門者三

疑可青天捫無端入山腹白日成黃

昏但見阿羅漢或坐或則蹲

羅漢洞極深窺

慄平難久畱懼爲

蛟龍吞去之走山岬有若蝨緣裊飛雨不能入山勢如

覆盆惟有巖前瀑閃爍成珠痕

有泉水飛灑巖際名真珠簾

無怪淵

中水終古無由渾

北方帝真武神靈此焉宅雙舄遺水中千載化爲石明  
代構崇基歷年踰數百鑑峯矗其前秀若煙凝碧屏峰  
環其後朗若玉生白鐘峰左嵯峨鼓峰右突兀壯哉神  
明居夫豈人力闢嗟余亦何幸來此蠟游屐長揖冕旒  
前願神恕狂客

贈李于迪 彬彥

雨後峯巒秀轉加籃輿乘興至君家紅浮席上清明酒  
君家以清明日汲綠滿甌中穀雨茶三楚雲煙供吐納  
水釀酒紅潤可愛庭花木極清華延青生白幽人室  
楚游一作  
所居軒名延青生白

絕勝朱門觸熱拋

四十年華鬢未衰  
謝庭珠玉好栽培  
且將書味從頭領

會見科名接踵來  
選勝最宜鄰白嶽  
余齊雲之游君爲主人蜚聲

定卜滿金臺  
慙余禿盡江郎筆  
有負論文酒一杯  
君子弟半

從余游并擬令隨余入都

四月十六日新安諸故人與及門諸子爲余補作

三十生辰卽席賦謝

去年茗上逢生日  
風雪扁舟獨自眠  
余去年泛舟茗雪適逢生日何

意諸君憐故我翻教一醉補  
今年已遭偏露難稱慶  
偶

竊微名未是仙  
但感光陰如逝水  
尊前那得不流連

麥秋天氣半陰晴且爲諸君盡此觥酒戶從來輪坐客  
食單連日議門生清談何必煩絲竹雅集端宜記姓名  
白首佗年同話舊雪泥蹤跡最關情

### 鰕魚

鰕魚生山澗中有四足能緣木食鳥雀不水可活余  
考爾雅鰕大者謂之鰕郭璞注曰鰕魚似鮎四足聲  
似小兒啼海外西經曰龍魚陵居一曰鰕一曰鼈魚  
又北山經曰決決之水多人魚其狀如鯢魚四足其  
音如嬰兒食之無癡疾蓋卽此魚之類史記司馬相  
如傳禺禺鯢鰕徐廣曰鰕一作鰕漢書正作鰕注引

郭璞曰鰓魚也似鮐有四足聲似嬰兒然則鮓也  
鰓也皆其異名也寓齋前有畜此者因爲賦之

水蟲謂之魚宜水不宜陸造物喜出奇不許深淵伏是  
故鮓與鮓其足各有六鰓魚則虎爪鰓魚則雞足乃歎  
物類繁莫恃爾雅熟怪哉庭除間何處得此族有足竟  
如鮓無鱗又非鰓夜靜聞其啼聲類小兒哭云自山淵  
生飢極輒緣木巧借口中水靜待鳥來啄鳥渴就之飲  
誰料入其腹書生喜臆斷謂此乃鰓屬又或謂之鮓上  
林賦曾讀又或謂之鮓異字史公錄一笑語主人魚乃  
我所欲何不烹爲鮓否則乾爲鮓使我得染指當勝雞



與鷺旣而復自笑吾意殊碌碌海上有鯨鯢京觀未及  
築矧此池沼物區區安足戮不如姑置之仍命校人畜

### 金華

秋色斜陽裏先人舊挂蓬

先人到金華詩云人家秋色裏城郭夕陽中

遺編

來此讀風景與之同江闊橋能跨城低塔轉雄停橈無  
限意不僅感飄蓬

### 繆孝子詩

繆孝子名聖元仁和之臨平人母病斲一指烹而進  
之母竟不起孝子大慟創裂尋死余時適居臨平聞  
其事因紀以詩

繆孝子家臨平有父父早世有母守節如陶嬰孝子貧  
不具甘旨孝子愚不讀書史樸茂美意人不知竊竊羣  
疑非孝子無何母病病且危孝子不哭心傷悲無錢不  
辦湯與藥剖肝斷臂孰非吾分所當爲抽刀斷指手不  
縮裂帛封創眉不蹙烹而進阿母母不知爲子之肉一  
引而盡甘如飴私冀母命從此續誰知母命竟不續一  
慟從之登鬼錄嗚呼繆孝子其意殊堪傷天性日以薄  
是亦名教光韓子鄆人對毋乃拘其常請以此歌激發  
末俗之天良

奚虛白先生疑行年八十寄詩爲壽

自從樊榭此登樓樓畔雙榆綠更稠先生所居榆蔭樓乃樊榭故居天  
爲先生畱小築人非名士不同遊花間醉客烏程酒雲  
外尋僧茗雪舟望重東南年八十詩家此福有誰修  
先人生小菰城住每到城南必訪君消夏同邀金盞月  
尋秋共泛玉湖雲樓中舊榻塵猶積篋內新詩藁未焚  
今日典型尊老輩敢云交紀又交羣

鄭節母行

節母鄭氏吳江人年十九歸秀水楊君錫圭甫三載  
楊君因蹶折臂庸醫熬炭炙之中火毒咯血死有子  
早夭母撫嗣子成立爲娶婦生孫二而嗣子與婦又

卒母又撫二孫嘗曰吾有頭鬢不成更育二鬢矣數  
十年辛苦備至其長孫象濟所撰行述甚詳余同年  
戚英甫其戚也徵詩與余因賦此

殉夫易撫孤難何況子死又撫孫數十年中歷盡冰霜  
寒嗚呼節母之力能無嫌節母始入門妙得尊章喜  
婉變相其夫井曰皆親理無何所天病病且終不起折  
臂三公今已矣誓將一命從夫死尊章泣相謂奈此  
嗣子何瞿然謝不敢涕淚收滂沱願以婦代子白頭二  
老同婆娑願以母兼父青燈一卷毋蹉跎養親親令  
終教子子成立歸告泉下人吾事亦已畢誰料瓊瑤枝

一朝又蕭瑟。賸此兩桐孫。纔自孤根茁。有罷頭蠶。又二  
蠶。噫嘻蠶母其何堪。綜計四十年。雙眉日日蹙。門戶  
我乎支。窀穸我乎卜。上以奉蒸嘗。下以延似續。室家風  
雨已飄搖。無端厄又遭。回祿誰謂茶。苦桂則辛辛。苦此  
間。惟母獨。翩然旌節天上迎。峨然綽楔門前旌。姑蘇  
臺下十萬家。何人不誦節母名。節母姓鄭氏。所天楊氏  
子。家在吳江歸秀水。吾爲作歌告彤史。

壬子元旦無錫舟次試筆

晴光明射舵樓邊。元旦欣逢雪霽天。爆竹聲催游子起。  
屠蘇酒占故人先。時與雲笈同行。年長于余。故云。衣冠脫略因爲客。詩

句推敲算過年輸與玉堂諸老輩裁箋同和早朝篇

金山木在大江中今因沙漲遂可不舟而登亦一異也以詩紀之

金山浮大江厥名曰浮玉山神厭水居自江徙之陸沙痕一望平水勢半江縮遂令咫尺間攀援卽山麓我昔此維舟雪深阻游躅蹉跎八寒暑又向江干宿遂攜游屐登同捫

御碑讀江南形勝地一覽盡在目世亂寄安危時平恣游疆往來使節多迎送僧鞋熟躡鴟踞殿紅鼉鼉負磬綠吾詩紀所見攬勝殊未足俯仰幸昇平變遷任陵谷

回首望中流姑讓焦山獨

人日發京口疊元旦韻

扁舟侵曉發江邊水面晴光遠接天一棹煙波吾輩在  
九衢車馬幾人先聞同館諸君均先已入都招來舊雨皆千里補得  
清遊已八年乙巳歲泊金山下未及上今始一游客裏恩恩又人日草堂  
待寄少陵篇

鄒縣謁孟子廟

素王不再作夫子起衰周洙泗昇游夏齊梁老奕秋治  
無三代盛書有七篇留遺像今瞻拜嚴嚴孰與傳

千秋尊養意啟聖有專祠

殿左有啟聖祠祀鄒國公及  
端範宜獻夫人均有孟子石

像侍五等上公爵三遷慈母儀機絲懋自棄鄰肉示無欺此日堂隅侍還如勸學時

從游諸弟子分祀廡東西削傳雖難補崇封尙可稽衣冠有像樂正子俎豆附昌黎想見門牆盛原堪配仲尼

曩者驅車過今茲入廟來斷碑從地出有漢碑得之聖土中已殘缺聖井自天開有雷震井在大殿庭中鐵樹嶙峋立朱藤曲屈栽平生私淑意到此幾徘徊

### 過匡衡故里

名臣故里太荒寒賸有崇碑道左看相業豈能同丙魏



言三  
儒家畢竟勝申韓殿廷封事千秋在鄰舍燈光五夜殘  
太息後來張禹輩也因經術進朝端

### 蒼頡墓

蒼史墳前尙有碑當年造字擅神奇六書變體隨秦漢  
一畫憑空本伏羲混沌忽開天亦喜文章多禍鬼先悲  
要從皇古畱真意不使人間獬豸知

結繩以後費經營體製於今幾變更不識何嘗非快活  
好奇未免太聰明經書燒後無真本字母傳來半梵聲  
我輩雕蟲徒碌碌可憐浪費楮先生

### 過平原弔趙公子勝

公子風流一世傾千秋遺恨獨長平君臣苟且尊秦帝  
宗社安危仗魏兵貪受降書貽實禍謬推將種誤虛聲  
當年人物惟無忌不比諸君浪得名

固安弔張茂先

神劍千秋尙未回司空故里已蒿萊太多亦是讀書累  
不斷終非定變才宮內甲兵興一夕天邊星象失三台  
何如菰菜鱸魚客長嘯西風歸去來

人部

客路三千次第過無邊春色

帝城多好尋陳迹長安道路洗征塵永定河

渡永定河車陷燕

壘未成猶待築貂裘已敝不堪磨一椽擬僦銅駝陌何處間門置雀羅

微雨出廣渠門至天甯寺與諸同年宴集

春風文酒互招延借得城西屋數椽僧舍偷閒剛半日師門問字盡同年雨晴不定隨鳩喚主客無譁任鹿眠

院中有鹿

坐上醉翁能共樂蒼顏白髮望如仙

謂庶主朱煥堂侍郎

謝公祠與諸同鄉宴集

謝公祠畔草如茵莫負當筵酒數巡文字清談吾輩事衣冠小集故鄉人壺觴盡興無絲竹兄弟同車有主賓

時王甫兄亦與衆賓之割余與同車而往

待向禪房看芍藥眼前花木尙餘

春席散後擬游  
法源寺不果

與王甫兄至橫街南散步其地皆叢葬處

閒箸芒鞋踏綠莎蕭然風景似巖阿  
小車得得紅塵少  
破冢荒荒白骨多  
幾輩熱場同捉搦  
吾儕冷趣不銷磨  
歸來纔向門前立  
又見高軒次第過

四月二十一日散館引

見授職編修恭紀

九天閭闔鬱崔嵬濟濟千官

闕下來

帝許春光畱上苑人將風信候蓬萊  
幸偕茅許登仙籍

敢其淵雲鬪賦才自古玉堂清要地非徒詞采重蘭臺

### 孝女行

孝女周氏桐鄉人鐵霞孝廉

士炯

之女也母病刲臂

肉作羹進之竟愈母偶見其臂創固詰之始以實告  
且曰兒籲天默禱誓勿令人知願母勿洩也母諾之  
遂無知者後歸王生錫璋再舉男皆不育道光戊申  
歲以疾卒母撫之大慟始述其事蓋已閱七年矣周  
縵雲前輩爲作孝女傳鐵霞以傳徵詩因賦此  
慈烏啞啞飛繞屋孝女嗚嗚對天祝有母病垂危醫來  
手盡束諸藥雜進皆無功惟有兒身一塊肉抽刀刲臂

臂血流製帛封之不敢哭烹肉進阿母阿母甘如飴霍  
然病良已效過參與耆女猶竊喜母不知無端阿母攬  
兒臂驚見臂血何淋漓女伏母膝言其私兒誓弗使他人  
知願母弗言憐兒癡已而孝女歸于主王氏舊業傳  
青箱孝女以敬相夫子以孝事尊章尊章嘖嘖歎賢婦  
謂宜子孫逢吉身康彊脩短誰能知沈疴竟不起母來  
撫之慟今日不言吾負爾遂將七年前事諧從頭請看  
臂上癍痕大如指阿翁聞其事謂是天生至性人難俾  
阿姑聞其事深惜吾家祚薄無能畱夫壻聞其事願將  
佳傳徧乞名公修下而臧獲聞其事亦不自知涕淚潛

然流嗚呼自從天性漓忠孝雜誠僞孝不求人知乃真  
孝之至吾讀孝女傳低徊不能置不見男兒讀書講學  
數十年君親借作沽名地

寄孫蓮叔

走也名場閱歷身論交未有似君真項斯直欲逢人說  
鮑叔深能知我貧翰墨前盟空鄭重漁樵後約恐因循  
遙知別後霞溪水閒殺傳書六六麟

霞溪君所居也

浮沈宦海那能知且與諸君十載期寒儉文章難報  
國迂疎才略敢匡時若教菽水粗能給便挂衣冠定不  
遲佗日版輿奉慈母山中倘許翦茅茨

太師杜文正公輓詞

纔聞霖雨沛南方忽見台星隕大荒  
遺表但傳憂國事詔書頻與處家常

君臣終始情無間生死哀榮禮有光  
敷使親承天語至細將眠食問高堂

自登政府贊無爲造膝深謀世莫知  
黃閣共推名父子綠圖原是

聖人師雖當鵠鼎調羹日還似

龍樓侍學時一十七年資啟沃至今深繫

九重思



節終恩禮降連翩異數頻邀感九泉珍藥寵頒憐父老  
清班特晉爲兒賢易名不待臣工議

錫命還居保傅先

聖意徘徊殊未已一尊親自奠靈筵

餽生才識本驚頑曾在孫陽一顧閒

庚戌覆試公爲闕  
卷官樾忝弟一

執卷玉堂客問字

樾頂館選公  
爲大教習謝

恩金殿許隨班

散館日公奉庶吉士  
太和殿謝恩

早囊入奏猶無恙

赤舄辭

朝竟不還自爲蒼生惜安石非徒絲竹感東山

八月初九日

皇上行夕月禮派翰林六人於西華門送

駕

臣機

與焉恭紀

聖主順時行鉅典小臣循分効微誠五籌次第傳呼肅  
萬藥森嚴蹕路清鵷鷺排來皆有序騑駟過盡總無聲  
鑾輿已遠朝車散共趁斜陽出

鳳城

### 勝果妙因圖歌

京師廣安門內有慈仁寺乃古雙松寺故址前明改  
建者也其西廂懸勝果妙因圖乾隆中傅雯奉

敕以指繪圖中諸佛及羅漢像最小者猶與人柜等屋

凡三楹圖之廣狹稱是洵奇觀也瞻禮之餘歡喜讚歎而作是詩

松風颯颯肌骨涼老僧導我游西廊道有妙繪中間藏  
開門瞥見心徬徨萬億千佛森滿堂如來說法居中央  
佛頂隱隱成圓光紺眉藕髮翦微茫諸佛菩薩環兩旁  
應貞五百紛成行種種妙相難具詳天龍八部齊騰驤  
迦陵之鳥飛且翔龍降虎伏無披猖冥濛雲氣開天閭  
諸天護法羅冠裳天魔睽睽不敢狂天女手中花芬芳  
我來肅觀生悚惶畫工得此何其良姓名歲月具下方  
乾隆丙午夏日長臣雯奉

救來僧房大叫潑墨神飛揚以指代筆指盡張五指化  
作獅子王雖有醉象走且僵淋漓揮灑誰能當須臾一  
掃千丈强大衆膜拜都焚香但覺紙上生光芒卽今一  
燈縣西廂鳥雀不汙鼠不傷安得摹勒千仞岡森然可  
護煩金剛歷千萬劫長輝煌

慈仁寺密變觀音像

毫端建寶刹芥子藏須彌佛法在天地如水無不之偶  
借陶旂力妙示莊嚴姿白衣而綠帔纓絡垂參差火土  
不相喻變化誰能知

高廟昔臨幸於此鐫銘詞下士未聞道讚歎安所施惟

喜洪鑪內亦有清涼時

仲冬四日移寓南柳巷

寄身安得長房壺老屋三間又此租客裏不嫌家具少  
坐中且喜雜賓無開箱先檢新詩本掃室仍安舊茗鑪  
所幸對牀還有伴按頭燈火未曾孤

時壬甫  
兄同寓

慈親率眷屬入都喜賦

連宵魂夢繞征輪此夕燈前笑語親祿養未充仍菽水  
慈容略減爲風塵妻孥且耐天涯冷童僕休嫌宦况貧  
佗日鄉山如許買全家同享故園春

入朝侍班車中作

星月微茫裏雞人報曉傳晨光瞻

鳳闕寒意襲貂裘禁樹遙難辨霜華冷不流早朝應許  
賦此景卽蓬洲

癸丑正月二十四日恭謁

慕陵隨同行禮敬紀四律

先帝垂衣治深仁三十年困倉常發粟亭堠總銷煙上  
木工俱輟珍奇貢盡捐至今懷

聖德歌舞徧埃垓

宣室傳遺制

橋山率舊儀屢頒

寬大詔不樹

聖神碑

帝極終身慕民懷沒世思謳吟猶未息

陵樹已參差

星燧俄三改韶華又一春祠官開

寢殿

帝子奉明禋

時命恭親王行禮

黍稷升香遠松楸入

望新

九重嚴恪意原不異

躬親

東觀叨清切

西陵望鬱蔥  
獲陪

原廟祭如抱鼎湖  
弓黃瓦瞻雲  
表青袍拜雪中

是日大雪在

天靈不遠

仁孝鑒

深宮

渡琉璃河

車聲催夢醒  
已向石梁過  
禿樹枯無葉  
寒流小不波  
風前微霰集  
雲外亂山多  
未識騎驢客  
尋詩興若何

易水弔古

驅車渡易水  
慷慨悲燕丹  
不惜黃金買死士  
誤將秦政



詩三

三

當齊桓白衣送去不復返徒令易水千秋寒鳴呼烏頭  
馬角有深痛君臣草草多如夢皇天未許祖龍死滄海  
君椎猶不中區區七首將奚爲藥囊一擲便無用獨憐  
枉殺樊將軍一函輕把頭顱送劍術精粗何足云欲劫  
欲刺徒紛紛就使秦皇果剗刃未必王翦真收軍自古  
存亡由得士匹夫能建千秋勲丹也碌碌胡不聞令人  
卻憶昌國君

涿州渡永濟橋

涿州城外水迢迢春入河流凍未消煙裏塔紅經雨洗  
雪中山白倩雲描恩恩一飯投茅店碌碌雙輪走石橋

欲向此中尋冷趣不嫌風力太飄蕭

二月八日

皇上臨雍講學派翰林二十員聽講

臣樾

與焉恭紀

咸豐三年二月上丁

皇上親詣太學行釋菜禮越六日癸未

臨雍講學自王公大臣以及有司百執事自先聖先賢之裔以至執業之諸生觀光之羣士莘莘焉鱗鱗焉環集橋門者蓋不可以數計

皇上眷懷舊學命惇郡王致祭於贈太師大學士杜文正之靈蓋重淵源思耆舊也

臣樾

幸從載筆之末班

獲觀園橋之盛典宜被訶詠以誌遭逢抑又聞之古  
者師出有功告成于學故在詩曰矯矯虎臣在泮獻  
馘至我

國家率循是典方今粵西之賊擾及金陵

宵旰之憂實廛於此故於章末及之亦庶幾魯頌之義  
也

仲春初八日

皇帝詔臨雍隔歲頒成命先期習禮容宮牆千仞闢冠  
佩百僚從柱史威儀肅祠官俎豆恭鸞聲傳噦噦豹尾  
護重重輦路香泥細橋門瑞氣濃祥雲呈太甲旭日起

高春濟濟先賢裔巍巍衍聖封親臣冠孔翠 帝于服  
園龍有位咸陪從何人不敬共恪依山品級靜聽佩琚  
璫朝列無撓越

天顏自肅雖庭中陳鹵簿堂下奏笙鏞觀聽人咸屬聰  
明

聖獨鍾精言開奧窔高論破愚憊仁敬心惟一中和理

本庸

是日講中庸致中和一節尚書皇天無親克敬惟親四句

玉音宣朗朗璧水瀉溶溶雅化流芹藻羣材獻菲葑茶

筵香馥郁

講畢賜茶

槐市蔭蔥龍胄子叨培植生徒被鑄鏤

摩挲周獵碣翕集魯章縫

帝乃偉然念誰爲學者宗丹書懷舊訓赤舄緬遺蹤鄭  
重恩言錫頻繁御祭供推仁原藹藹慕義盡喁喁臣忝  
清班附天教盛典逢昔曾衣釋褐今又砌依彤獲覩文  
明啟遙知雨露醲膠庠齊鼓篋亭堠徧銷鋒干羽能柔  
遠詩書寓折衝虎臣行獻馘蛾賊自歸農會見成功告  
重來聽鼓鍾

爲友人題茗溪漁隱圖

自向煙波築釣臺忘機鷗鷺不相猜筍皮笠子瓜皮艇  
搖出茗溪深處來

餘不溪邊舊有亭十年拋卻種魚經何當共泛扁舟去

鮑喫清明一點青

一點青乃吾鄉魚名也

乞假送親山水道旋里口占二律

三載清班忝玉堂敢拋簪紱事耕桑天涯海宦門如水  
堂上哀親鬢有霜久住魚將遊涸轍暫歸燕只賸空梁  
余故里無一像之居臨行費盡躊躇意莫道恩恩遽束裝  
攬轡登車感不禁

鳳城煙樹望森森才疎拙乏匡時略身賤虛存戀

闕心且與波鷗同浩渺但期風鶴早銷沈

小臣

歸享昇

平樂好譖堯夫擊壤吟

至通州謁朱掇堂師師憂時感事悽然泣下卽席

賦呈

丁沽小泊謁師門重對元亭酒一尊寂寞衙齋聊共飲  
艱難世事與同論丹心戀

主無歸意白髮憂時有淚痕此夕依依官燭底非關臨  
別易銷魂

途次聞豐工復決

百計彌縫兩載中安瀾一奏慰

宸衷

聖書正敘防河續息壤難收止水功浪擲黃金填蟻孔  
坐看赤子葬龍宮扁舟待赴尊艫約愁聽哀磬滿浦豐

東昌以下寇盜充斥頗有戒心因賦一詩

秋色蒼茫裏全家一棹過江湖仍枕席天地正干戈骨肉飄蓬慣山林伏莽多由來行路險不盡在風波

分水龍王廟

汝水西來疾如駛南北分流從此始盤渦怒捲風蕭蕭  
中有神龍分此水我來祠下維扁舟拂衣竟登來汝樓  
樓前疑有巨靈手直從咫尺分鴻溝水勢既分漕道利  
數百年來拜神賜也同鐵弩射潮強更比金釵劃泉銳  
方今寇盜猶縱橫漕船打鼓無由行安得神龍更助力  
銀河淨洗東南兵



濟甯以下彌望皆水田廬市井不可復辨蓋皆屬  
之南陽湖矣舟行過此詩以紀之

南陽湖茫茫千頃琉璃鋪水天一色渺無際但見風帆  
點點有若煙中鳬我來欲渡不敢渡濁酒三日前村沽  
天公知我有歸意北風忽轉竿頭鳥揚帆直下疾於鳥  
又若怒馬馳平蕪遠山迎面忽已過回視惟有青模糊  
胸中傀儡此一洗那怕浪花片片船頭巖忽然感慨發  
胸臆坐念民力年來痛黃流滾滾決堤入河伯不念民  
無辜運河故道那可辨但覺彌望皆菰蒲師莊仲淺盡  
零落聖賢後裔嗟泥塗

師家莊子張故里  
仲家淺子路故里

人民散盡市

塵改轉令舟楫成通塗舟行過此亦愁絕忠信安得豚  
魚芋煙雲出沒盡盜藪往來估客咸張弧髑髏縣竿血  
淋漓如何未足懲萑苻噫嘻南陽湖我來豈果因莼鱸  
何乃出險復入險千金難買中流壺登艫一望三太息  
風波如此安歸乎

阻風彭口聞聞官劉君

梅

余鄉人也招飲賦贈

名紙何曾識鄉音頓覺同相邀頓腳局剛值打頭風冷  
署一杯酒輕舟三尺篷微山湖畔路聚散太怱怱

中秋泊高郵有感

全家蹤跡似浮漚今夕荒涼此泊舟枕上無眠非待月

燈前有淚借悲秋。波濤擊岸聲聲怒。烽火連雲夜夜愁。  
我欲乘風竟歸去。天邊何處認瓊樓。

抵里門作

中年何敢便抽簪。不爲煙霞返舊林。雲被風吹任南北。  
萍隨水轉聽浮沈。先幾媿乏觀時識。早退原無避世心。  
欲共巢由買山隱。故山松桂未成陰。

旋里後聞蔡雲士前輩

廣鳳

戚英甫同年

士彥

相

繼俎謝慨然有作

長安邸舍屢經過。一別俄聞籬露歌。春夢短長都是幻。  
晨星三兩已無多。邑中同宦京師者止予在矣艱難時世驚烽火。容

易光陰付逝波我亦傳聞誤生死居然海外老東坡  
此  
次假旋因水程遲滯  
有傳子途中物故者

輓戚英甫

誰料一分手茫茫隔死生歸車纔駕鹿仙路已騎鯨舊  
望虛鸞掖前遊憶鳳城螭均俱對策雁塔互題名

北闕雲初曉

午門坐班每  
與君同往

西陵雪乍晴

今年正月與君同詣  
慕陵行禮時適值大雪

朝衫常借箸官燭

每分明爲有妻孥能無夢寐縈客囊雖淡薄家具早

經營路遠謀難定時危局易更錦帆遲就道墨經遽催

行君擬迎眷屬未果  
而以聞計南旋

楚粵方流毒江淮正阻兵烽煙朝

慘淡礮火夜縱橫瓜步兵全沒蕪城寇未平至今無勝  
算而子促歸旌日落慈烏泣風高戰馬鳴憂天心耿耿  
戀

闕意忤忤暑路麻衣重涼宵布被輕一身真若寄二豎  
竟相撓迫我全家返遲君半月程中途頻問訊得信劇  
疑驚紫陌花同看黃墟酒獨傾飄零歎吾黨迢遞念

神京

聖主原英武羣公自盡誠如何駢貍虎未見掃麟趾追  
想承平日常教樂事并歌場喧竹肉酒坐聚簪纓與子  
同游宴相依若弟兄恩恩一回首處處總關情華屋人

何在青衫淚欲盈宦途皆傀儡世事等樵枰末路奚堪  
問長眠幸已成彭殤無足較何況此浮榮

庚戌會試吾郡成進士者四人爲近科所未有今  
年余與慎美卿

毓林

南旋而英甫長逝獨王又沂

工部

書瑞

猶留都下耳撫今思昔復成一詩

聖主龍飛第一科蓬山仙籍故鄉多

皇州春色同游覽官樣文章互琢磨已愧散材徒擁腫  
不堪生意更婆婆遙知今歲梅開日正賸風流水部何

寄贈撫部黃壽臣前輩

宗漢

輕裘坐鎮浙西東喜聽輿歌遠邇同小醜自膏三尺劍

時新獲於潛新城  
滋事要犯正法

健兒爭挽六鈞弓手芟荆棘安民命

力護苞桑慰

聖衷數十萬家俱按堵可知韓范在軍中

欲識荊州未有因秋風來作掃門人玉堂舊許呼前輩  
石戶新容作部民樸略語言詢細細艱難時事語頻頻  
知公節鉞東南日未改書生面目真

蔣節母詩

節母姓徐氏海甯硤石人年十八歸蔣君潞英

星緯

未踰年而孀又五年蔣君弟霽峯

星華

生子光堉節

母撫以爲子蓋其翁之遺命也又四年而霽峰亦卒

無次子以光煇兼祧而議者謂潞英雖長庶出也霽  
峰雖幼嫡出也長幼之序不能敵嫡庶之分今泛言  
兼祧將以長兼幼乎抑以嫡兼庶乎節母慨然曰是  
宜定之以服制請爲所生父母服三年喪而爲所後  
者期議乃定是可知母之賢且明矣咸豐癸丑節母  
卒嗣子以狀徵詩賦此

雙峰起突兀一水流東西我來拜節母但聽慈烏啼節  
母初來歸光采生裳袿周旋兩姑間笑語從無睽持家  
既井井處室尤媿媿無何所天隕鳳去鸞孤棲生雖未  
化石死已拌磨笄尊章泣相謂勸婦毋慘悽小郎年十



歲的的顏如圭吾家千里駒行當生駉驥以是爲爾子  
何必分町畦節婦敬受命再拜書幃幌自此屏華鈿自  
此居空閨誰謂堇荼苦甘如飴與飴荏苒十餘載同室  
無勃溪叔姒果生男生男初孩提被之以黃襪衣之以  
綠綈阿翁雖不見遺命猶可稽撫以爲已子膝下相提  
攜兒幼始能食飼兒聚與梨兒壯始能行佩兒鰈與鰠  
掌中一顆珠珍惜如鏤錦誰料造物者不可測以蠡伯  
兮旣長逝存者惟叔兮一朝亦謝世總帳風淒淒止餘  
孤生桐桐小枝猶低旣以爲楹桷又以爲榱題支持此  
大厦未免愁顛躋而况議禮者紛紜如蝓裼長幼固有

序冢介胡能齊介子幸有後足以供殖讎冢子轉無後  
何以銘鐘鐸節母起歛祔正論覺吾迷服制苟不定進  
退同藩抵願於所生厚以杜爭端倪而於所後降庶不  
來訶詆一自斯言出懾伏耄與覲義旣正於鵠理更明  
如犀羣疑自此決不必煩靈端君看桃李花其下恒成  
蹊故知節母後宜受福與禔況此不凡子英氣凌虹霓  
至孝尤難及非止茅容雞側聞侍疾時股肉手自割  
德有如此後福良可俟孫枝更秀發繞砌生蘭茝會見  
一門內聯步青雲梯雙峯起突兀一水流東西我來拜  
節母但聽慈烏啼長調紀顛末苦語同寒蛩備員忝史

言三  
館燈火分青藜倘編削女傳何敢忘貞妻  
三

除夕口占

自拋簪笏奉潘輿又見春風到敝廬  
牲醴不豐因歲儉  
光陰最好是家居  
休嫌琴劍仍無定  
且喜簞瓢尚有餘  
此夕樽前聊盡興  
烽煙莫問近何如

甲丙編

春在堂詩編四

德清俞樾

甲寅元旦試筆

隔年燈火曉猶存  
起飲屠蘇酒一尊  
庭院清閒刪俗例  
冠裳檢點媿

君恩詩成試倩兒  
拈筆客到聊呼僕  
應門莫道晨寒添  
料峭尙畱餘暖在  
粃盆

年泉舅氏及雲笈均和余除夕之作因次前韻又  
成二律

年來歲月半舟興  
且向東湖暫結廬  
敢謂在山成遠志

偶因奉母得閒居  
冷官况味憐貂敝  
貧士生涯賸蠹餘  
尙有凌雲詞賦在  
莫將落拓笑相如

一年景物此權輿  
回憶承明舊直廬  
闕下清班叨侍從  
雲中仙仗護

宸居諸公俯仰昇  
平日羣盜縱橫轉  
戰餘坐對辛盤聊  
盡醉書生報

國待奚如

穀日招同諸親友宴集疊元旦韻

柏酒桃湯俗例存  
間招親故共開尊  
時方多事能同醉  
天與吾曹算有恩  
快雪初晴宜雅集  
舊游如夢憶都門

傾銀注玉徒豪舉未及田家老瓦盆

先祖南莊府君中乾隆甲寅副榜迄今六十年矣  
偶檢甲寅齒錄敬誌一律再疊元旦韻

題名小錄檢猶存相對儼如古鼎尊書卷叢殘三代物  
科名絡繹

四朝恩浪傳仙籍通蓬島依舊儒宮守華門此日家居  
人事少何勞斗麤綠珠盆

雲笈將赴江西賦四律畱別諸親友卽次原韻贈  
之

潞河去歲整歸裝每到涼宵共舉觴

去歲與君同舟南下故里荒

燕憐我寄好官滋味羨君嘗向來家世鳴琴慣

君大父作令江

右此後光陰聽鼓忙尙有書生餘習在徧徵詩句付行

囊

頻年戎馬擾江村見說嚴城晝掩門

去夏江西省城被圍三月弧矢

豈非吾輩事袴襦正賴長官恩軍符絡繹看傳箭里社

權呼聽扣盆尙有桐鄉餘愛在春來正共薦羔豚

君祖在江

西有惠政故云

蒲帆挂向永和隄兩岸流鶯恰恰啼三月春風隨宦轍

五更寒月聽征鼙飄然鳬舫惟攜鶴

君眷屬未偕往

莞爾牛刀

且割雞他日清聲能繼祖甘棠種徧大江西

待將出處卜靈氛愧我荷衣製又焚  
偶爾在山仍小草縱然出岫亦閒雲  
五湖虛願何時遂百里循聲到處聞  
兼謂王甫家兄只惜服官中外異未能鵬鷺訂同羣

平泉舅氏選授上虞學博賦詩留別次韻二首

一紙除書在臘前者儒深荷

九重憐行窩安樂迎康節福地娜嬛佳  
茂先帶水溯洄鄉樹近瓣香供奉士林  
虔勸公休悵彈冠晚看取精神滿寸田

萬事如雲過眼前

即用舅氏詩意

官將塗抹博人憐靈椿莫道

株將老都蔗還期味勝先軍府文書旁午急儒官俎豆



上丁虔稚川石室曹娥水便是先生彭澤田

見氏以議敘知縣改

就廣文故云

海昌陳浣江惟亨行年八十賦重游泮宮詩徵和

卽次韻奉寄

下澤逍遙馬少游而今已作魏羅侯任看後輩雷燒尾  
終讓先生雪滿頭篋內青衫存故物花前白髮領時流  
耆英會上一尊酒更有何人共唱酬

清明日回德清掃墓偶成

烏巾山下舊柴荆喜有承平一片聲父老醵錢迎綠社

台鄉清明前後賽社  
有紅社綠社之分兒童散學過紅明

吾鄉以清明次日爲紅明日又

次日爲連朝榆柳分新火幾處松楸認故塋只惜焚黃  
猶未得虛傳兩度拜

恩榮

予兩次請封而救命未至

### 半月泉

半月泉在德清北門外慈相寺之東以形似得名東  
坡有詩曰請得一日假來游半月泉何人施巨手劈  
破水中天今刻石泉上舊有屋數椽歲久傾圯慈相  
寺僧上雲謀築樓三楹以爲邑中士大夫游觀之所  
又東萊書院久廢有司致祭無以陳俎豆樓旣成卽  
奉東萊栗主於其中亦善舉也故爲詩張之

蟾寒兔冷吳剛愁手持玉斧窮雕鏤劈破半月風颼颼  
化爲一水清瀏瀏東坡先生官湖州請一日假來此游  
欣然題詩在上頭而今精舍成荒丘惟此半月仍如鉤  
老僧好事工新鳩一樓高築山之幽名蹟長使東坡畱  
祀典并爲東萊籌嗚呼所慮何其周僧能若此吾儕羞  
廣寒宮闕雲中浮萬百千戶年年修神斤鬼斧無時休  
願與月中仙人謀移一二戶來山陬眼前突兀成此樓  
然後招集諸吟僊攜酒一榼茶一甌狂吟遠與髯翁酬

寶寺

德清西門外有寶慶寺亦古刹也寺前松徑里許旁

有石可坐十許人奇古可喜相傳建文帝曾憩此故名蟠龍石寺中有僧像方頤廣頤云卽建文帝也因以詩識之

命舟出西門舟窮繼以屐但喜山寺深不嫌村路僻松

陰一徑青雲氣千巖白望蠡已無亭

舊有望蠡亭以望見蠡山故名今圯

蟠龍猶有石相傳建文君曾此留遺迹至今老佛像猶在梵王宅巍然天人姿修髯可半尺祝髮頭不冠趺坐足不舄我思明惠宗守成亦令辟削藩議未成靖難師已迫可憐一炬火坐看六宮赤恩恩鬼門啟草草神器擲度牒奉先皇裂裳換宮掖君臣雖偕行姓名已潛易

但覺僧臘高都忘年號革開關蜀道行辛苦滇南適誰  
知此一丘亦來分半席我今瞻遺像歷年逾數百殘碑  
尙可捫斗室不嫌窄泠泠鐘磬清落落塵氛隔寄語好  
事者應題大喜額

大喜乃建文帝庵名

### 蟠龍石

兩龍夭矯戲宮柱一龍飛上九天舞一龍不勝墮泥土  
何時蜿蜒來此山山中之石遂千古我思劫運當年遭  
骨肉竟爾干戈操雨中羊毛打更溼城上燕子飛逾高  
燕子飛來龍遁去莽莽風雲竟何處金陵形勢空復雄  
不是龍蟠是虎踞何如此山清且幽道旁片石龍來游

白龍之庵一炬燼

白龍亦建文帝庵名

龍兮龍兮何不長此卧雲

冥冥風謖謖怒捲松濤滿山谷龍雖失水尙有神長使

蛟雷靜三伏

相傳石旁數十武內夏日無蚊

我來問石石不知但驚此

石何離奇至今父老石邊坐猶訴龍衣拂地時

寄呈座上惲薇叔廉訪

光宸

滕閣秋風淨洗兵喜聽鶴唳盡銷聲恩流召伯甘棠舍  
功在條侯細柳營鯁冠高人鐵面蜨虬塹固地金城  
遙知

聖主東南顧只有章江水最清

回思烽火逼洪都手畫灰盤膽氣蟻天上狼弧誅冥竄

言四  
地中鼠穴塞黠踞背鬼有隊軍容肅肺石無冤衆志孚  
會見封疆膺

特簡豈惟治律賴皋蘇

不才何敢擬彭宣得隸門牆已十年末議未堪參玉帳  
後塵竟許步花磚時平驚堠停傳檄道遠龍門阻執鞭  
飛到郇公雲五朶如聞絲竹絳帷邊

自從奉母出長安小住鄉闌半載寬書卷無多先世物  
門庭如舊秀才官藥樣已悵蓬山遠吹律難回黍谷寒  
慙愧辦裝猶未得虛煩長者問彈冠

佛日龍居紀游各一首

暮春天氣佳扁舟游邵山水窮山逾深村僻路更仄蒼  
髯百尺高玉梁千株密泉從鳥下流雲自袖巾山有亭  
翼然起招客於此息四面羅巘屹一泓湛明瑟疊石成  
危橋因山開淨域高登楞嚴臺小坐維摩室雀舌茶初  
烹猶頭筍乍茁且共飽伊蒲無須參米汁飯罷坐門前  
披襟更岸幘投石破清冷攝衣走男婦黃鶴不復歸下  
舊有黃鶴樓白日俄已昃遙指龍居山游事固未畢

既辭佛日寺爰至龍居山入山未及半一亭當其間松  
徑走曲曲竹筧流潺潺不嫌石磴确但喜山迴環雲中  
兩鴟吻林表千螺鬟崎嶇逐樵跡剝啄敲禪關新葉已



言四  
可翫繁花猶未刪坐久佛無語興盡我亦還笑叱田中  
犢驚吠花間狶山花採躑躅山鳥聽鶯蠻何意浮生內  
有此半日閒但惜游未足安知時方艱入林志已決買  
山資猶慳題詩枯木堂猿鶴無相訕

### 戲詠西瓜燈

一場瓜戰夜初停幻出團團滿月形聖火養成千歲綠  
仙丹煉就十分青擎來何減琉璃盃照去偏宜翡翠屏  
不是金刀能割膜癡皮那得化空靈

剝盡層層液與膚此中亦自費工夫光明豈減燃臍輩  
空洞真成剖腹胡笑爾燭奴無位置比佗雲母略模糊

世間何物堪相擬只有回回青亞姑

背深移到讀書堂伴我青燈味更長但使腹中無磊塊  
自然頂上有圓光莫嫌燄燄膏將滅且喜熒熒火亦涼  
不解朱門燄烈地高燒紅燭照紅妝

但覺光華竟夕增居然清似一輪冰也同天上青藜火  
不比人間黑漆燈我輩生涯原淡淡箇中消息自騰騰  
玉堂不少金蓮炬讓與西清舊友朋

仲冬八日入都銷假偶成四律述懷

風雪正漫天全家送上船未能俱救水何敢戀林泉門  
戶憐兒小晨昏仗婦賢此行殊惘惘慙媿祖生鞭

一載鄉山住依然四壁空伶仃同命鳥辛苦寄居蟲報  
國原無具謀生亦未工誰云游宦樂吾輩是飄蓬

況值艱虞日年來事事非一官翻是累入口竟何依江  
左烽煙逼閩中信息稀

時久不接  
王甫兄信

臨歧數行淚灑上老

萊衣

行止猶無定歸田計更賒白頭親望遠赤手婦持家世  
事那能料吾生長自嗟何時一尊酒聚首又天涯

嘉平十八日抵都門作

去年南下奉潘輿小住鄉山一載餘清夜猶然媿烏鳥  
聖朝未敢戀鱸魚飽嘗世味豪情減久別京華舊雨疎

遙望

觚棱天咫尺晨光未辨早登車

年來鈴索隔西清問訊東華舊弟兄吾輩蚤官何所用  
幾時蛾賊得全平媿無才識難修史縱有文章敢論兵  
惟願南天烽火息好將詞賦獻承明

予里居時卽聞房師孫蘭檢討郎殉難金陵到京  
後詢悉其詳鬚然流涕敬輓四律

都門小集餞行旌

卽去年夏以兵部侍郎視學皖江予與諸同年餞之城外

太息江

淮正阻兵千里蟲沙迎使節五更鶴唳警危城風塵莽  
莽文星暗江水茫茫礮火明半載恬然心不動男兒南

八豈求生

師與余書云祗席之上時聞錄聲而心自恬然

烏鳥情深不自知毅然一疏坑

丹墀堂前甘旨謀歸養江上旌旗

詔督師

時有旨命師督辦防堵而師適因親病疏請歸省慈忤上意銷秩而師已殉節矣親

舍白雲虛有夢戰場碧葬竟無屍院公山下遺民在猶

見先生罵賊時

春風桃李滿門牆獨許彭宣到後堂詩格微嫌近郊島

師誦余詩曰惜山林氣太重

文章謬許伯齊梁師極賞余科名敢望

傳師鉢翰墨聊堪侑壽觴

師去年于危城中寓書索于文爲堂上壽試取

遺書軍展讀零星都在篋中藏

爲憐歸客似飄蓬  
費盡經營半載中  
羽檄倉皇虛講席  
手書惆悵付郵筒  
師知余乞假歸卽爲言於皖省當事  
延士徽郡紫陽書院雖爲兵事所阻  
不果赴然爲了  
計則甚周矣  
施頭妖氣連江表  
箕尾忠魂返太空  
賸有不才門下士  
澹香長自奉南豐

乙卯二月初入 國史館

一入承明歲月加  
又來史館駐朝車  
坐中前輩尊於佛  
架上官書亂似麻

聖世何須有南董  
直廬且喜傍

東華

小臣

願紀昇平事  
歸向田間父老誇

與王補帆同年

凱泰

南下窪子散步

酒座歌場處處豪偏將野興寄林皋亂墳多鬼人稀到  
古寺無僧犬獨噪自覺閒身宜此地天教冷趣屬吾曹  
明朝吏部門前去又染緇塵到敝袍

京察人員例下吏部唱名而翰詹銜

門實無到者是日院吏來告故戲及之

四月初二日内子率兒女輩到京喜賦

滿地干戈行路難輕車安穩度桑乾回思往事都如夢  
且守清貧莫當官室內塵埃聊布席盤中粗糲強加餐  
全家願似梁間燕隨意營巢到處安

六月八日偕孫琴西

衣言

朱晴洲

文江

邵沐生

亨

修錢湘吟

錢

王補帆

凱泰

楊振甫

慶麟

何受山

福

諸同年至龍樹院作竟日之游紀之以詩

九衢車馬地所難此清曠每逢明瑟處便覺心神暢  
羣不羈人疎慵天所放閒官幸無事勝友時見訪同游  
占招提芒鞋各一雨是時天新晴蹄涔水猶漲迂迴取  
路行聯翩樂興往入門僧不迎老槐屹相向倚欄一平  
視蕭然出塵綱萬頃足蘆葦一城匝屏障遠寺紅入畫  
平疇綠成浪諸子發高興樽酒佐跌宕僧廬無主賓行  
厨有供張語妙雜談諧交狎忘揖讓揮扇可代塵脫衣  
各置衿或丁丁然棋或烏烏然唱相期竟日游惟酒亦  
無量東坡赤壁下逸少蘭亭上須知今日樂便足古人



言四  
抗飲罷半醉醒歡極齊得喪誰樂使者車請更與相帳

岳忠武名印歌爲楊漱芸丈

炳春賦

鄂王有遺印流傳在吳市翁過吳門偶得此大名照耀  
日月寒正氣鬱盤魑魅死我思宋南渡半壁愁難支惟  
王起卒伍所向咸披靡郾城一戰兀朮走中原父老迎  
王帥兩河豪傑盡響應大書岳字縣之旗此時此印亦  
生色草檄飛書走南北想見山東河北間兩字傳來人  
盡識惜平和議朝中成金册十二俄收兵只消三字莫  
須有頓教萬里隳長城要其忠勇足千古物以人傳媿  
璜琥笑佗高廟玉孩兒得失區區何足數翁從吳市攜

來燕藏之篋箭光燭天因我好古出相示殷勤索我詩  
一篇嗚呼英武如王今古最建炎中興功莫大方今盜  
賊滿江湖安得其人寄闕外願將此印鈐軍符重向東  
南破楊太

平泉舅氏寄示自嘲一首因次韻奉酬亦以自嘲  
一官忝玉堂屢踏東華土移家日下居城南天尺五羣  
謂列清班容易紆華組誰知毛生雖依舊囊中處方今  
聖人世玉燭調四序如何兩階前猶未舞干羽諸君駕  
輜軒方將祭纍祖乃聞疆吏言東南無定字暫停賓興  
筵軍門聽鼙鼓

時因軍興停鄉試者七省

吾黨二三子困守伯通廡

報

國僅文章未足資禦侮官冷我亦冷蕭然如太古僮僕  
有怨言其言藏腹肚曰自從爾來冬寒夏暑雨衣有卅  
年裘食無四升簋不知竟何得無乃徒自苦主人微聞  
之一笑而不語不見吳楚間烽火照洲渚生民罹此虐  
流離那可數黃河天上來勢欲傾底柱側聞中州地滾  
滾魚龍舞吾耕既無田吾隱又無墅四方既靡騁歸歟  
計又阻避世金馬門是亦得吾所囊中有俸錢一可當  
什伍時行當十當五大錢官米新且潔猶足人一酬春季俸米從探辦處支領  
甚舊雨時往來相對無齟齬興到吟一詩亦足寫情緒

何必泣牛衣沾沾學兒女

八月初二日蒙

恩簡放河南學政恭紀

金殿揮毫墨尚新

四月十三日保和殿考差

又看

恩命出

楓宸頒來蕩節從

天上駕得輅車向洛濱自是采風宜太史敢云八境卽

主人

小臣

舊是村夫子簪負書生面目真

九月二十四日出都赴豫口占

去歲風霜賦北征今年爽傳又南行一樽仍喜家人共

千里頻煩候吏迎烽燧平安官候近琴書瀟灑使車輕  
男兒駟馬尋常事每把題橋笑長卿

滹沱河懷古

滹沱河冰薄於紙白水真人飛渡此今日猶傳危渡名  
當年早卜中興始嗚呼項羽倉皇走大澤不能安坐烏  
江舟荷堅投鞭笑天塹不能遂作江東游惟有真王所  
至神爲謀往往奇跡人間留錢唐之潮可使三日而不  
至旃然之水可使千年而不流願將此意廣作叔皮王  
命論掃盡潢池擾擾千蚍蜉

邯鄲呂翁祠

浮雲過眼了無痕得失區區未足論我亦偶然來入夢  
忽藥薄笨忽輟軒

一飯黃粱熟又炊神仙莫笑世人癡人生何必都無夢  
只要先知有醒時

丙辰二月初三日山棚考試大風渡黃河作

黃河無風浪千尺況乃有風風又逆風浪聲中鼓吹高  
使者河邊祭河伯河伯其聽使者歌人間何處無風波  
但令胸中無芥蒂那愁腳底有鼃鼃臨河卻爲蒼生慮  
從古河防無善計百萬金錢付水濱不飽魚龍飽官吏  
頻歲黃河向北行狂瀾幾徧山東地轉瞬桃花春漲生

或疏或築無人議此間羣議更悠悠大河北徙吾無憂  
豈知河性固難測倡宜未雨先綢繆書生欲言苦非職  
蒿目空爲生民愁焚香敬向河干祝惟爾有神雄四瀆  
但願安瀾慶九秋莫教怒浪生三伏河伯有知應軒渠  
笑我此意徒區區廟堂自有河渠書幸無竊竊憂其魚

陳橋驛

天將神器付香孩兵次陳橋帝業開一襲黃袍麾下進  
數行丹詔袖中來出師倉卒原無寇受禪從容大有才  
讓裘錫文多事甚始知魏晉太遲回

余校上終日危坐堂皇偶成五言一首

使者承

簡命秉節來中州大懼不稱職以爲

朝廷羞念此童子試貴在真才求士人旣讀書必先泮  
水游於此苟不慎魚目充珠球文風固必飭弊竇尤宜  
搜如何作僞者悉數而未休羊質或冒虎鵠巢或居鳩  
壓與蛩相負鼠與貓同謀使者坐堂皇耳目仍未周敢  
云弊盡絕鬼域無能售亦姑盡吾心勿使淆薰蕕吾耳  
所及聞或者無鵠鷗吾目所及見或者無蚍蜉不然土  
木耳亦乃徒悠悠褰帷時一望朔風吹颼颼諸生田間  
來大半寒無裘更有八十翁霜雪盈其頭風檐執卷寫



落筆幾成牛所願止一衿未卜何時酬使者獨何幸年  
少登瀛洲舉比而絳帳門外擁八騶敢不盡其職以副  
君恩優書此置坐右聊當箴銘畱

校閱步箭作

使者本詞臣素未習弓矢如何坐堂皇以此試多士豈  
知桑與蓬事本屬男子使者雖不射亦頗知射理志正  
而體直道在求之已徒誇弓六鈞止一健兒耳登堂肅  
衣冠呼名慎跪起心平手自調然後奏爾技不中固足  
羞中亦勿遽喜須知秉筆者更有鵠在紙余校士時凡  
所中之箭偏  
正高下均分別  
存記以定去取

湯陰謁岳忠武廟

十年岡外枕雕戈，奈此秦頭壓日何。  
南渡君臣生氣少，東窗夫婦殺機多。  
功高豈意翻成罪，戰勝無端更議和。  
不待籲天誣早辯，精忠二字總難磨。

蘇門山紀游

行部古其國，遂遊蘇門山。  
山光旣明瑟，泉韻尤潺湲。  
於此一俯仰，洗我塵中顏。  
孫登有嘯臺，高出浮雲間。  
太行與王屋，舉手疑可攀。  
惜乎塵冥冥，掩盡千螺鬟。  
是日適大風  
嘯聲不可聞，但見斜陽殷。  
下山殊自媿，緣比嵇康慙。  
予在川上處，載籍固無考。  
乃登茲山巔，鵬吻聳雲表。  
其

詩四

夫

上宮牆高其下清流繞雖屬想當然附會良亦巧

山上有

文廟門外建坊原泉來混混有本不嫌小仲尼歎水哉

卽水可見道安知非此地悠然契懷抱我來拜遺像

旒而垂藻蘇門理學數講堂餘蔓草伊洛徒茫茫淵源

問誰紹

蘇門最勝處無如珍珠泉泉從山下出顆顆珍珠圓誰

能探泉脈疑有驪龍眠水清可見底石罅鳴濺濺憑欄

此小坐靜對水底天念自來河朔校士逾數千得毋迷

五色淩亂丹與鉛掬水洗吾眼愛此清且漣庶幾校士

時雙瞳常瑩然

少小走風塵頗具煙霞癖每逢佳山水往往蠟游屐布  
屨與青鞋焉往而不適今乘使者車偶來駐聚戢鳴騶  
泉石間毋乃成俗客顧念風景佳北方罕儔匹竹影滿  
園清松陰半窗碧何怪東坡老於此願卜宅我生亦如  
寄雪泥無定迹借問安樂窩可許爲我闢

山上有邵康節安樂窩

先君子曾應康蘭皋中丞之招客游懷慶府之緱  
山村集中覃懷遊草兩卷乃其時所作也迄今二  
十二年小予樾持節經臨感懷風木乃歎王僧孺  
引騶清道悲不自勝良有由也因口占四十字

評定覃懷草先人自紀游三年曾此往兩卷至今留舊

德憑誰問浮榮未足酬經臨無限意太息爲停驂

修武縣武童蘇振邦縣府試皆第一院試時中馬  
箭三步箭四因亦置第一以詩紀之

庭前弧矢士爭彎愛爾登堂技最嫻且博一矜游泮水  
儼同三箭定天山臂強能挽銀牙弩齒少猶陪玉筍班  
萬里封侯如有分休忘此日奪標還

峭山

驛路過峭陵危巖幾度登馬蹄雲破碎鳥道石峻嶒徑  
窄痕如鑿山深氣似蒸轡軒猶畏險憶否昔擔簦

虎牢

巖邑曾傳鄭虎牢驅車過此亦堪豪而晴白日雲絕  
風小黃河浪自高一縵奔流來底柱千盤隘道出成皋  
山川形勝今猶昔慙媿書生擁節旄

### 緯夫行

河陝間山路崎嶇輿行必以緯夫挽之輿行舟無異  
余昔年往來新安江舟行灘石間邪許相聞曾作緯  
夫行紀之乃肩輿登山亦復如此因再紀以詩用識  
行路之難云

頑青鈍碧起迎面高可千盤寬一縵輿丁欲上愁遷延  
乃仿船家例用緯西至函谷東成皋鄭之虎牢秦之崤

古來天險此爲最我行往返何其勞千搖萬兀人無數  
挽我千山萬山路山上人家半穴居山中車馬皆縣度  
昔者吾游新安江江水日夜流淙淙百丈挽舟舟不上  
森然怪石船頭撞何意輜軒經此地竟與藥舟了無異  
世間行役總勞人未覺榮華異顛顛爲吾傳語語緯夫  
勿言爾力今朝痛行盡馬鞍七十二夷庚從此無危途  
自洛陽至陝州俗言有馬鞍七十二蓋山形高下如馬鞍也

輓周雲笈七十韻

雲笈需次江右尙未補官去年冬暑安義縣事城小  
兵單寇氛密邇請兵請餉皆不應至今年正月十九

日賊犯縣城雲笈率練勇數十人出城迎敵手刃三  
賊身受數創衆寡不敵旋被賊害嗚呼可哀也已雲  
笈名承謙後更名祖誥仁和人庚子舉人素性慷慨  
以忠義自負與余交最深又重以姻婭之戚二十年  
來鄉里釣游長安文酒未嘗不與君共也四月間余  
校士洛陽適聞此信中夜徬徨達旦不寐卽欲以詩  
輓之愴然不能握管夏間避暑省垣遂成五言七十  
韻回憶雲笈赴江右時賦詩留別余次韻和之曾幾  
何時又有此作每憶昔游不自知涕淚之橫集也  
平昔談忠義惟君最激昂艱難寄民社慷慨死戎行毒



霧連吳楚烽煙逼豫章一行初捧檄百里正籌防城小

謀增壘田蕪議積糧官猶如傳舍寇已在垣牆自謂心

俱赤人看鬢漸蒼

君到任後籌防蠟九詞宛轉羽檄警盡悴鬚髮皆白

倉皇弩鏃飛青石軍符走赤囊居民爭罷市幕客半成

裝伍子昭關出臺卿複壁藏而君期必死到此意如常

張日麾孱卒銜鬚赴戰場靴中刀伏突腰下劍干將陣

合雲俱黑軍孤氣轉揚賊顧迎刃脆戰血濺衣涼力竭

仍磨壘圍深更裏創虬蟬誰赴援猿鶴竟偕亡先軫元

還在真卿體未僵忠骸盛馬革淨土借鶯王

賊入城後遣民殘卒

移君影骨至塔下寺手爪堅猶握須髯怒尙張健兒齊漈酒父老

競焚香旅櫬歸先兆靈風動故鄉麻衣憐幼子白髮泣  
高堂七品官如舊千金債未償晨昏惟婦奉門戶獨兄  
當有女啼偏苦無言意自傷九原從死父一慟斷柔腸  
君弟三女已聘爲大兒婦間君忠孝都無憾存亡兩有  
計悲甚而卒四月十七日事光憐余感疇昔未免涕沱滂姻婭相依始承平樂事長  
里門同角逐壻水其倘佯君婦乃平泉舅氏長女與室人兄弟也交密形骸  
略談高意興狂大文徵典冊小字寫巾箱身世常交  
勗詩文每互商長安游竝轡逆旅臥聯牀謀及藿鹽事  
鈔來疥癬方君患癬幾十年古歌誇得晉辭句戲搜唐險韻追  
韓孟清言雜老莊笙歌喧酒坐風雨靜禪房追我全家

返邀君一葦航長途多跋涉羣盜况披猖鄉樹連天遠

軍烽入夜望聯艦共南下冒險走東昌彭口風澎湃微

山水渺茫提攜憐酒輒安穩喜歸艤飛鳥回巢暫行雲

出岫忙故山無遠志先世有甘棠君祖曾作令江西行篋詩千

首君赴江西時以詩贈行離筵酒一觴清游雖佛日臨

前與君同游佛日寺客路已錢塘滕閣尋秋色豐城訪劍鏘郵筒

問眠食治譜諧循良見說兵猶頓傳聞歲尙穰牛刀曾

小試君代理豐城月餘鳬舄待高翔余亦還都下年來又大梁

素書蒙問訊玉尺媿評量君問余視學中州馳書相賀乃去年十二月書君已至安

任鹽耗來江右輶車正洛邛一緘開鄒重五夜起傍徨

青史千秋事，丹心百鍊剛。成神宜蔣尉，爲鬼亦睢陽。疆吏應陳請。

廷評例襲彰，身登忠義傳。家襲羽林郎，大義真無忝。私情自不忘，名雖兩竹素。夢竟睡蕉隍，位未將才副。文儒與命妨，衣冠存碧葬。事業付黃粱，驥足何曾展。髦頭尙有芒，狂瀾誰砥柱。勁草自冰霜，入世悲知己。憂時弔國殤，人琴無限意。不僅爲潘楊。

戲詠茉莉花籃

誰將金翦剪花叢，愛此筠籃製最工。采縷穿成珠絡索，冰壺盛得雪玲瓏。幾層素蕊垂垂小，一味幽香曲曲通。

紙帳煤花添韻事  
今宵清入夢魂中

貓

花陰晝靜  
虛酣眠時復低聲喚  
膝前提抱慣從嬌女手  
摩挲深得主人憐  
一身白雪經宵暖  
兩顆明珠過午圓  
癡坐苔階呼不覺  
看佗胡蝶舞蹁跹

狗

信信如豹亦堪豪  
臥守閒庭敢憚勞  
搖尾宛能通主意  
論功殊覺勝奴曹  
但求食粟恩無媿  
莫笑看人眼不高  
可奈青蠅飛侶雨  
花前小坐自爬搔

周容齋先生  
爾鼎  
工書善談因耳重聽談輒以筆

每過余談必以 城子楮先生將命焉因以詩贈之

昔聞米襄陽筆硯不釋手坡公海外歸盛名動山斗米  
時知睢州遣使迎馬首坡亦欣然來兩賢共尊酒賓主  
各一几筆硯無不有列紙數十番高可齊戶牖談諧興  
旣酣觴詠時更久二公俱命筆紙上雲煙走無何紙亦  
盡各付奚奴負相易而持歸詫歎謂非偶蘇米書中豪  
名壓唐顏柳偶然此游戲勝事遂不朽文采與風流照  
耀千載後先生今東坡雲夢胸八九時時從我談能以  
筆爲口大書舞龍蛇小字摹蝌蚪我亦手握管相對顏

惺忪秋蚓與春蛇落紙字字醜客是蘇子瞻只惜主人  
否

內子因余校士甚勞勸勿作詩余雖感其意而不  
能盡從其戒戲書數語貽之

天生劉伶酒爲名婦勸勿飲伶弗聽天生吾乃不飲酒  
問婦如何婦曰不  
雖不飲苦吟詩吟詩太苦傷心脾  
勸君并詩亦勿作  
浩浩又落落吾謂卿言雖復佳  
無詩何以寫吾懷  
吟詩不求好隨筆而書隨意造  
不雕不琢全吾天問婦如何婦曰然

朱亥故里

卽朱  
仙鎮

晉鄙雖宿將畏秦避其鋒一軍次蕩陰莫救邯鄲攻信陵盜符至猶恐衆未從奮椎奪其軍朱亥真英雄遂使信陵君名震峭兩東悠悠晉鄙輩何足謀成功驅車夷門下微問七十翁如今風塵內可有人如公

沮溺耦耕處

在葉縣

周衰天地閉賢人隱於耕尼父與之遇惓惓懷深情苟肯從吾游莫非三代英不然沮與溺混迹蚩蚩氓問津且不告豈復言其名何以魯論語紀載殊分明乃知聖與賢汲引出至誠諮訪其姓氏考論其生平遂令千載下猶留二子瑩旣歎斯人高復感吾道宏使者驅車過



田疇何縱橫豈無隱君子出而憂蒼生

昆陽懷古

漢兵困守昆陽城昆陽城外百萬兵長人十丈巨無霸  
虎豹犀象來縱橫一夜風雷飛屋瓦白水真人到城下  
不知募兵兵幾何但覺軍聲動原野人獸辟易無敢當  
伏屍流血潢水赭何須符命奏彊華早已威名震銅馬  
嗚呼石晉之元帝有宋之高宗歷數古來中興主幾人  
能與蕭王同行經昆陽慷慨懷英風光武以數千人  
破莽百萬衆昭烈連營七百餘里無成功興亡一半由  
天意一半亦貴人謀工我思光武真英雄

新野學文生徐鶴年已告給衣頂而歲試考列弟  
一予因其文理尙優且年例未符仍準應試以詩  
紀之

老大徒聞鐵硯銘已拌乾死校頭螢誰知旗鼓一黌俊  
又冠香花千佛經豈僅寒蠶畱故物還期庖刃發新硎  
春風大有嘘枯意莫到秋來柳便零

許州試院乃蕭謙谷先生

元吉

官此時所建予校

士至此見其規制崇闕工程堅致徘徊庭樹不勝  
甘棠猶思之意因賦五言詩一章

校士至許昌有懷昔賢牧昔賢牧爲誰蕭君字謙谷試

院舊湫隘規模亦褊促蕭君顧而嗟欲然意未足城之  
東南隅有地吉可卜舍舊而謀新半年勞畚揭堂廡既  
崇闕屋廬更連屬列舍東西寬重門內外肅使者之所  
居閒庭時花木賓幕之所休明窗悅心目官吏此趨公  
不復憂寒燠士子此構思不復涸壘濁至今二十年庭  
樹猶餘綠賢者蕭使君多士蒙其福况君多善政非此  
一事獨千仞築宮牆百里開鄉塾君修文廟宮牆及戟門又置社學  
四十餘處均見州志求之古人中文翁之治蜀自從軍興來文場  
換戎幄屋養健兒馬門樹大將纛側聞較射地已爲火  
藥局美哉免與輪未免憂傾覆古人一日居猶必葺牆

屋如何賢牧功零落無人續使者坐堂皇慨然寄遠矚  
起撫庭前樹風來聲謾謾甘棠猶思之夫何媿尸祝我  
爲賢牧歌歌盡紙一幅旣表昔人賢亦爲後人告

許州武童劉占元能左右射左右各發五矢各中  
四矢因取置第一而紀以詩

左右皆能射端推巧力全挽強猿臂健破的蝨心圓楊  
葉穿應可芹香采獨先天山三箭足盼爾勒燕然

題劉松嵐觀察

大觀

弔武虛谷先生墓詩手卷

武虛谷先生諱億河南偃師人以進士出宰山東博  
山縣多惠政時相國和珅遣番役至山東有所訶察

役暴橫莫敢誰何先生執而杖之坐是罷官歸益研  
究經義所箸書十數種及和相敗有

詔起先生於家而先生已卒劉松嵐觀察過先生墓弔  
以詩今墨蹟藏其家先生孫名來者乞余題詩於後  
因爲歌曰

先生卓犖人中豪爲民作爹身忘勞虎而冠者來咆哮  
擇肉而食誰所教縛而杖之無由逃羣羊畏虎聲嘈嘈  
人生窮達隨所遭安能俯仰如桔槔拂衣歸去嵩山高  
經疾史慈窮秋毫一旦見睨冰山消

題書俄受彤廷褒公已先赴巫陽招徒畱坏土埋蓬蒿

有客過此歌且謠其聲慨慷心鬱陶爲風爲雨爲怒  
筆力斫斷生龍蛟翩然鳳翥鸞翔翱我抄此幅風蕭  
願君寶此如瓊琚長使祖德千秋昭

明巡按御史揭帖歌

明直隸巡按御史徐吉揭帖蓋爲吳民挺擊緹騎一  
案而上也帖中共十三人除世所共知顏佩韋等五  
人外尙有吳時信劉應文丁奎三人皆預挺擊之事  
又有戴鏞楊芳季卯孫許爾成鄒應楨等乃因赴浙  
緹騎驛驢於胥門外衆怒焚其舟事出同日遂并爲  
一按者也顏佩韋等駢誅今所傳五人墓是丁奎季

卯孫許爾成皆杖徒楊芳鄒應根皆杖戴鏞死於獄  
之數人者雖市井梟散之徒而激於義憤以有此舉  
尙不失爲三代直道之遺徐公治此獄意主消弭保  
全實多此帖本當時公牘鈐有巡按御史印章傳二  
百餘年紙尙完好周容齋先生得而藏之索詩於余  
因賦此

校尉來猛如虎駕帖來逮吏部姑蘇城中十萬戶十萬  
戶人齊焚香願爲吏部求都堂 青青子衿萬口一言  
願都堂草疏雪吏部冤都堂願有此校尉怒 是何  
鼠子敢抗魏公旨 皇帝聖旨乃出魏璫一夫不登

公堂是非詔使擊之無傷萬槌齊下誰能當爲之首者  
顏馬周沈楊此外若劉若丁若吳環起如堵牆羣虎失  
勢化爲羊或死或匿或走且僵 戕戕巨觚自北來泊  
胥門外癩如雷市上之屠僧戴鋪驛中之興臺楊芳一時同  
受池魚災入城呼者季與許奮臂一麾衆皆聚艤舟而  
待鄒應禎千人萬人爭此一枝艣火其舟校尉愁浙中  
游今且休 事聞於朝謂吳中亂厥臣眈眈欲發大難  
火急文書下撫按臣心苦爲周旋獨坐西臺斷此桎  
巧借詔旨示矜全未便株連擾里閭重者竿首輕者笞  
若者鬼薪若城旦 天啟六年六月御史徐吉據事直



陳至今揭帖猶如新我過五人墓墓碑高嶙峋誰知五  
人外乃復有八人當時義舉出市井使非此帖幾泯泯  
願翁保此如貞珉駕帖僞揭帖真